



الهيئة العامة لقصور الثقافة
إقليم القنطرة وسيناء الثقافي
فرع ثقافة الإسماعيلية

نخل الهموم

شعر

فتحي نجم

نخل الهموم
الطبعة الأولى : ٢٠٠٢
صادر عن :
فرع ثقافة الإسماعيلية

لوحة الغلاف والرسومات الداخلية للفنان /
محمد طرخان



الهيئة العامة للتصور الثقافية
إقليم القنّاة وسيناء الثقافي
فرع ثقافة الإسماعيلية

هيئة التحرير

مدير عام الثقافة

محمود المنير

الخدمات الثقافية

جيهان دياب

مدير التحرير التنفيذي

جمال حراجي

المستشارون :

- ١- عبد الحميد البسيوني
- ٢- أحمد علي مطاوع
- ٣- د/ عبد الرحيم محمد عبد الرحيم
- ٤- د/ طاهر محمد الهادي محمد
- ٥- د/ عبد اللطيف عبد القادر علي أبو بكر


المراجعة :

إبراهيم محمود - خالد صالح علي

الإهداء

إلى كل من علمنى حرفاً ..
إلى كل من أخذ بيدي
كي أشغل مكاناً في زمرة الشعراء .
إلى أبي وأمي وإخوتي
إلى محمد صادق - عادل فرج
إلى كل أصدقائي المخلصين
أهدى هذا الديوان .

فتحى نجم



شجر الخريف

شجر الخريف

ف عيون شروق الصبح ملفت للنظر

عريان ... وضاحك للصباح

قايم يغازل ف الطيور

ويزيد يؤكد ف الغزل ..

عملتى إيه امبارح ؟

هزك تراب (بابه)

ولا أنتى لسه مغتياه

رافضه ارتعاشك م الخريف

بتقولى بالجسد النحيف .. ألف لا

وعملتى زى بتضحكى

شجر الخريف

بيهز عوده يتتتر منه الهديل

وأنتى حبيبى ليه بترضى بالبكا

ومضفرانى للدموع حبلين قلق

وعنيكى له رافضه الحقيقه

عابزه تكون (أبريل)

المُر دايب ف الحياة .. زى الجمال والصبر
فاتمنى ضحكة . واضحكى
صاحبينى يمكن تكسبى . نجم الليالى المعتمة
وتشوفى فيه ضى القمر
صاحبينى يمكن تكسبى قلب البشر
وتقالى وانسى دمعتك
من غير بكاكى والنوح
الكون يراح والناس عسل
و (هاتور) هاتصحى الصبح تلقى بتحضنيه
من غير بكاكى والنواح
(أمشير) هيجى بز غرطوله
العام بطوله يكون (ربيع)
صاحبينى وانسى إن المناخ أصبح وضع
من غير بكاكى والنواح
صدقينى .. مش هنضيع




سلمان

قهر

وكانك ... راكب عجلة ومش بتبص وراك
وكانك ... ما بتسمعش كلاكسات العربيات المجنونة
أديها الطارشة . وليم عريش الجراة لصلك
شيل من ضهرك لزقة ذلك
كون مجنون . ف زمان العقل .. لو عقلك قالك
وما تسمعش كلام مهاويس
مزع ضحكك بتجري ف وشك
لو طلعت منك برخيص
أضحك صح ...
بايش عمرك كله بحاله .. لو راحت منك معانيه
ملعونه يا دنيا بتدينا ... وأعز ما فينا بتأخديه
وكانك طارح نخل في أرض بوار
ما تذلل نفسك للنهر
لا تطاطي ف هامتك للدهر
لا تأمن غير بالأقدار .. ملعون القهر ..
ملعون العصفور ع الشجرة
لو مرة يخاوى الغربان

الظلم جبان . لو شاف اليد بتتوحد لقيام العدل
الظلم داندل

وكابوس بيهاجم ف العتمة
ولأنك ما بتقرأش قرآن
جنيتك على سدرك كاتمة
بتخش ف نفسك وتعدى
وف عقلك تدبك تطعيم
وكانك مولود إنسان
ولكنك ... عايش تحصيل




تساؤلات

وأنا بينى وبينك مسافات
ومراكب دمع معيية
ياللى انتى شروذك بيكىنى
وسكوتك بيأثر فيا
أيه هيه حكايتك .. دلينى
مزعتى الضحكه ف تكوينى
متاخر فركك للآخر
والآخر طافي الفوانيس
متاريس ... بتقابل متاريس
وأنا تايه منك ف هويس
متشعبط قلبي ف ديل توبك
ليه توبك ينباع برخيص
كان أملى أقرب لعنيكى
وأستطعم حضنك .. والضمه
مررتى لسانى وهجيتى
ونويتى تضمى المتاهات
وأنا بينى وبينك مسافات

مش فاهمك
ولا قادر أدافع عن تهمك
ولا قادر أبجل ف عنيكى
متلخبط ف شعورى إليكى
وبقولك إيه
الحاجة الدايماً شغلانى
إنى هموت فيكى
وترابك راح ياكل جسمى
من قبل مايعرف حكاويكى
وثأمى بإيه
أنا لولا إنى بحب البطن اللى جابتى
ماكنت أنتطط ف مشاعرك
ولا ألعب .. لعبة ليه؟
ولا أسأل .. عن أصل سكوتك
ولا سيل الموت اللى بيגר ف
ف ولادك واحد ورا واحد
والله بحبك .. مش جاحد


ولا خايف ابدأ م الموت
م الخوف جواكى .. ده موت
والصمت اللى ملازمك .. موت
والصوت الخافت ... ده موت
وإحنا الأموات لونتكرنا .. حبة زنقات
وأنا بينى وبينك مسافات
أنا شغلى الشاغل هو أنتى
وسرورك .. إزاي القاه
لو سهمك يوم هيموتنى
أنا راضى بموتى على ايديكى
بس أعرف مين اللى كاويكى
بالبكا والآه
ومبعد بنأ .. المسافات



العجوز والبحر

في الليل رمى المراكبي العجوز
حروف الرزق ع المية .. رامى حمولة ومصطبر
وتكاله على الله .. أ ... ل ... ر .. زق
زق يا مجداف وعافر التيار وسمع للسمك صوتك
وغازل الموجه لجلن تحيد
ع الزرينة والهوجه ... معوجه .. ياهامة العواجيز
منقوشة شامة ألم
تحت العيون والدقن .. دبلان ...
ياخذ كان رغم الزمان وردى ..
وعرفت طعم الكرمشة
ستين سنة ف البحر
لا عرفت تبقى حوت ولا حتى سهلية
وتوجوك ع البحر .. جته مرمية
على حنة خشب مخنوقه ف الشبكه .. كبرت
ورموك الصيادين للبحر
قالوا: العجوز لن يجوز يبقي وسطينا
راحوا ورمولك طعم دودة ف الطريق لجل تسكت

وأنت اللي ياما رميت في طعمك للسّمك
خطيت حبال المستحيل .. لجل موج البحر ما يركبك
ولكنك صبحت كبير
كبير السن ف عندهم
كبير القيمة ف عنيا
جعلت البحر يتّحى عن الهيجان وروّضته
علّمت كل الصيادين كيف الطلوع للبحر
أفرد جبينك يا عجوز لسه السما صافيه
أفرد جبينك وافتخر أنت الأساس ف البحر
أنت امتداد للجاي ولا تزعل ولا تتدمش



سجادة صيف

سحابة صيف معدّيه ياكلى
ياللى مضايق
وليه بتبص بعيونك تخاف منها
وبتكرمش ف نفسك ليه
وليه مبلول .. فتعصر قلبك التيهه
ياكلى ياللى مضايق
بقايا الجسم فاض بيها
شريط العمر منك سف
ونبعك جف
لقيت النخل ف جبينك
عديم الطرح والضلة
مشيت دورت ف عروقك لقيت فيها
شروط الزرع مختلة
خضار القلب فيك اعتل
خيال الضل يا كلى
شوف العصفور ما خاف منك
بيضحك يقولك لأ

كشفتك يا لى مدارى ورا هلاهيل
رح اشبع ف جسمك دق..
ياكلى ياللى مضايق
يا متبعتر ف الجسد أشلاء
حدادى الدبقة ليه ف صدرك
بتخطف أجمل الأشياء
دامين سايق ومين متساق ؟
ومين طالع على الواطى
ومين للدموع سباق
سحابة صيف معدية
لا هى غصة ولا تخوف
ولاف المعجم الهى حروفها باينه ف الفهرس
ولا المعجم الكونى تبان مطره..
ولا مستاهلة كلمة اااااااه
ف ليه بتخاف وتضايق
سحابة صيف وهتعدى.. فما تعلقش...



آخر شوية جراءة

حمامة قامت .. لتعلن اعتراضها ع الحياة

قالت بكل جراءة لا ..

ماعدش ليًا خلاص وليف ..

الدنيا مش قارب نجاه ..

الدنيا جاه

تدّى القوى وتهّد أكثر ف الضعيف

حمامة قامت .. تنتفض

من بصة الصياد

رعدة عندها المليانين بالحب

بيهزوا الفؤاد

يا فوهة الجرم المعشش ف السلاح

ليه الحمام .. هوّ اللي ليكي طير مباح ؟

سايبه النسور .. واليوم .. والغربه بينهشوا

مش برضه دولن طير ؟!..

يا حسرة ع الحب اللي راح ..

حمامة قامت ..

قالت يا خوفي من النسور

حطيت ضلوعى ع الشجر
طلعت ضلوع الخوف تفور
زمن الجفاف عاد من جديد
وماكانش طير الأمس زى اليوم
يا طالع النخل المتيم بالبلح
أطلع وهاته إن كان رطب
أخلع قميص الرهبة .. من جواك
وأطلع بجسمك العريان ..
ما تخافشى أشواك الجريد
أيوه .. وشوف الدنيا رغم المر .. عيد



آخر الكلام

إمبارح .. تحت وميض الكلمة السهلة
وويًا خيوط الشعر صديقي
كنت بحاول أغزل نول ..كنت بلقط كل حروف الشارع
وبحاول تشكيل الصورة .. ف أجمل قول
للبيت نقوش بجناح .. وللقوافي ديول
وضحكك لما سمعت صوتك
يا قصيدة ف الودان معدول
وأنا كنت ماشى ف القصيدة
رجليا شيلانى ..
عمال بحاور ف الجمل
والسرحة وخدانى
آه يا شيطان الشعر لما تكون ..
في برجك العالى
وعليت معاك .. عليت عليت
وفجأة معرفتش .. أنلم من تانى
بعترت منى الكلام الصعب من جوا
طلع الكلام ع الورق .. يكتتبى بالقوة

يلعن زمان الصعب ويفتح الأبواب
شايك .. يامدح اندلق
سكر حروفك داب
طلع الكلام ع الورق .. يقوللى يا شاعر
حجر النفاق أنفلق .. درب الزمان واعر
تغوى الكلام الحلو كيف .. والدنيا خداعة
يا شاعرى .. آخر الكلام
أحلامنا متباعة
وانت المهيأ للقلق والارتكاب
ماتبعش نفسك للسطور
هيه اللى فضلاك
إزاي تكون أنت الجنون وتكتب العادى
هذا الزمان .. منفوخ على الفاضى
يا شاعرى .. ع السطر لا تجاهد
الهم غيط ناشف
وقعت رموشه .. من شجر
وشك الأمشبرى

ميت ليل ف ليل واحد

يا شاعري

اكتب ولا تخافشي

مانتاش كبير

لو تكون مداح في أشعارك

ما بين وحوش الكلمة

يتقل مقدارك



سمو العيون

يا سهم العيون المحابي السكات
وواصل مواصل سكوتك ف قلبي
ما تيجي نغير عيون البنات
نخليها تنتظر وتسمع تلبي
يا سهم العيون اللي صايب لسانى
وصايب لسان الجميلة القصيدة
ماتيجي نللم حروف الأمانى
وننطق تنسم آمالنا البعيدة
ياسهم العيون اللي قالب مزاجي
ماتيجي تعدل حروف اعوجاجي
تحضّر حبالك وتقنى احتجاجي
وترسم جمال الحياة ف العيون
وليه راح تدوم الكتابة العقيمة
وترنق ف قلبي همومى العديمة
ماعايشة ف جيلي .. الهموم مجرى دم
مانيش وحدى شاعر وحاسس مواجع
مانيش وحدى بكتب وحاسس بغم

ياسهم العيون المحابي السكات
سكوتك بيفرش عليا الآهات
لتطلع بضحكة وتجرح برفق
لنترك مريضك لغيرك يروح
ياسهم العيون



مناجاة صياد عجوز

ماتهنّيش يا بحر
من تمتّات الشراع .. وصلتني مفاهيمك
إنذار .. يعلن إن الوفاق اهتز
وإنك نويت الحصار
رغم إنني عارف مخرجك
الريح بتضرب سكتي وبتوه
وكأنني مركب ورق ..
بتهز فيها طوبة من أيد الصغار ..
فتضل المسار ..

ماتهنّيش يا بحر
قلبي انتفض وانتظر
أيه اللي حادك ؟ خير
طالب وفاقك رافضني
وكأنني نورس غريب
منبوذ ف سرب الطير
أيه اللي باقي .. يا بحر
(٦٠) سنة .. دولا

ولا دقيقة خوف
يبقى عليه العوض
لو كنت ناسى يابحر .. حدوته الفجرية
لحظة ماكان الرزق .. حاضن خيوط الشبك
وانت بتحضن ف السمك
بتلعب معايا .. لعبة الأم الحنون
والعب معاك .. لعبة المكتوب
يابحر بكفاية
جتلك وعاوى الضل
فكشفتنى للصيد
ورضيت بخنق الخشب
فدهستنى بالموج
معوج ميزان الحياة .. ولا أنت بتهرج معايا
يا بحر بكفاية
يابحر جوايا ..
صرخة .. بتطلع من بين صوابعى اللى كانوا ..
بيشدوا حيل المراكب ..

حين انكسار القلوع ..

انتماءك للشغب

يا بحر بكفاية

ما فضلش غير الأآآآآآه

والآهه تعبانى

يا بحر بكفاية .. أهرب لفين تانى

عكر ملامحى الشقى

واللى بقي .. صورة ..

ما تهزنيش يا بحر

دالمر كبه سيعانى



ما تعسر من كلامي

طرطأ ودانك معايا
وانفض الهم الثقيل
قلبك ما هوش حمل الوجع
ولاحمل الحقيقة
يانفسك المعجونة
ف هموم الخليفة
سيبك من الهم لاتهتم بالمره
عصافير وفوق الشجر
صرخت .. مانيش حرة
سرسب همومك..
فوق خيوط الشمس
وأوعاك ف يوم تنساق
وانسف هموم الأمس أشلاء ورا أشلاء
ماتشلس غير همك
همك كثير أشياء
نافقه يجوز يمكن
يحرق حبال نفسك

وفيك أحزانك
طرطاً .. ودانك
واحجز مكانك
ف مقعد التايهين عن الدنيا
أستجمع البنية
وجز قلب الأرض وادارى .. جواها
لساك يا واد حلمان
بالدنيا وصفها
لساك بتعلم بالنهار
وسط الغيوم والليل
الشمس باكية .. والقمر بيصاحب المواويل
الدنيا عتمة .. والضلام دامس
تقلت كتافك يا ولد والسلك ليك لامس
والهم ويا الدم دايب .. زى مية وملح
ارسم سحابة ف سقف بيتك
واحلم بلعبة صلح
الجسم طقطق من حرارة لعبك الساخن

ادارى تحت اللحاف .. صدقنى وتفاهم
الهم لامس كل جيلك .. كما حزام الزلازل
لا الثابت فضل ثابت .. والفرح ف النازل
طرطاً ودانك معايا..
واثبت غيابك
يمكن في يوم الرضا ..
يطرق حدود بابك



المختراض الجماعي

ونفخنا فيك يا زمن
وغرسنا ف عيونك ابرة منقوعة ف سنين
هم وأنين وججود..
ووصلنا بالقوة .. وعدلنا ع الترحال
بعد ماكان الرحال مشدود
وقتلنا فيك إنك تكون أقوى
وأه يا زمن .. كنت العزيز اللي فينا
الكل عامل ليك حساب
خايف لتقلب ف السفينة .. وتفتري
وتبخ غضبك ع المدينة..
تسد فيها كل باب
الهم فينا .. الذل لنا
طب كيف هنعلن الاستقام
والخوف مالينا
وكيف هنرسي ع الأمان
والرعب مالكنا
وفاتح لعينه .. فتحة كاشفة

سر خلوتنا

وأه يا زمن .. فضيت أبار الاختشا .. بالبوح
وجعلت م الأخلاق جماجم .. مسروقة منها الروح
ونفخت ف الواد المتين .. صار الولد مديوح
وقبضت من جسمه التمن .. وأه يا زمن
أسينا ياما أسينا .. من جرحنا النافذ
وعزمتنا ع التغيير .. والهم كان حافز
كل اللي مكبوت في البدن ..
عدا حدود الأجهزة ..
واتلم ف النفخة ..
ففنخنا فيك يا زمن .. وعرفنا
مين المنتصر منا ..
أنت ولا إحنا



نخل الممموه

يا ذكريات جوا البدن بتعشش
وتبيض وتفقس كام ألم ف النفس
الهم طارح نخل : النخل شارب لوم
وأنا لومى دمعته بتتحدّر مليون سؤال
ليه الحياة بتدلنا ؟!

الذكريات نخلة وعالية
تزيد همومى ومحنّى ، واصبح بليد
وأهين يا نخله ف مهجتي ، طارحة هموم
بلحك .. وماتسقاش كويس
بلحك .. ومش محتاج لميه
طب مين بيسرق ضحكته
ويدبل الخد الرطب فوق الجريد
(تراجيديا) الأحزان ف صدرى
من لانهايه بتحتوينى للشئات
ومع امتداد الشر .. مش قادر امحيها بتاتا
ومع انحناء النخل رغم طوله الفطيع
ضايح ياتمر ومستهان بك

ناشف .. على غصن الجريد السافل
والنجم فوقك أفل .. والقلب قافل .. والحضن قافل
تايه .. مع الكوابيس أنا
طب ليه يا قلب بتتحنى
واقف على بابك غراب ، والفرح خايف يدخلك
والنخل خايف ينزرع ، ينفعشى منه إلا الجريد
وأهين يا شاطر صار بليد
الهم فيك مليون هدف
والفرح دايم فيك شريد
يامين يفرح مهجنتك
يامين يعيد
يامين .. يـ .. ع .. يـ .. د

(النخلة الأولى)

(١)

جرحين

شارحين معانى لونهم الأحمر

وببص من شباك حديث . على كل القديم ف الناس

مايشفش غير الصدق ف عنيهم

مايشفش غير إحساس

والطبله متضايقه الليله دى .. ماتزفونيش

أنا أصلى بآمن .. بالتشاؤم والتفاؤل والحسد

زى ممأمن .. بإن البلد دى فيها ناس طيبين

وفيه ناس من (....)

(٢)

شدت عيونى إليها ..

البنت اللى كانت .. من يومين .. شكل الضفاير

على ضهرها (دلنا)

والله كبرتى يابنت الأيه !!

أنا لسه بتذكر ف شكلك وانتى بتدقي الصفايح

والقمر مخنوق .. القمر يومها استجاب

القمر زاد لختناقه

ياترى الليلة الصفيح يقدر يراضى البنت!؟

(٣)

وبنتقسم كام حته ، وبنتخدع ولإمتى ؟

ترمينأ أحلامنا المحالـه . ف التوهة أنا وأنت
وأهـه يا زمنى الردئ
من بين وشوش متغيروش
قلبي ماهوش . عصفور برئ
قلبي اللى كان لك يوم صديق ... الحين دا فاق
اليوم دا يوم الأفتراق
نركب حصان .. بس بصحيح
ونشيل همونا ف حدوده ...
والحلم اللى مش قده.. يا صاحـبى
نطمث معالم سحتته .. لانحدده
نفصل ما بينا وبينه
حلم أبيض برئ .. على قـدنا
(٤)
نسا .. بتعـرى فينا الهدوم
وتبيحنا للمعصية..
ملعون أبوها إن هـى..
كانت كما هن ..

مسا .. بيخدنا ريح الغوانى
والليل شيطان بَنور
والشارع مخنوق بالنور
والنور أسير الكهربا
مين اللى حط الهم ف السكة
دبل عيون القصايد
(البنت بكر .. ماتلبسوها هدمتين
هدمة بتدارى الجسد .. هدمة بتدارى الـ...)

النحلة الثانية

(١)

لخبطتى غزلى ...
وعملتى منى كام طاقة . مغزولة من قتل الـلم
وأنتى اللى للثانيه الأخيره . كنتى فاكرانى الفرج
دورتى فى ع الحريير . فلاقيتى خير
يا صدمتك
جهزتى نفسك لاستماع النبأ المخالف للبكا
ونسجتى حلمك ع الفرج

فلاقيتي نولك ف الهيا
والإبرة طاشت .. فانجرحتي
(٢)

ركب الضمير فوق جواد هذا الزمن
وتاه مع التايهين
يا حلوة ليه مرك؟
قلبي اللي نام ف مخدتك ماعمره يوم ضرك !!
شايل همومك من زمن .. واسألى رمل الشوراع
لكن يا حلوة استخلفك
قبل ماتجى تسأليه .. قوليلي مين .. سرك؟
(٣)

أنا بعشقك . لكن كلام العشق مايبني وليدك
والمستحيل إني أكون .. شايف دموعك .. وانتظر
لحظة وقوعك .. ف البدن .. ولا أمد أيدي أسندك
أنا بعشقك ..

والقلب طالل من مشربية سدرك المخنوق
لساه بينده ع الولاد . طالب قيام العدل فيكى

رافض هدم الحداد

(٤)

ووقفتى ليه تستظرى .. قارب نجاتك من هنا

بتبصى فيا .. وتستعدى للخروج

ولاكنت أنا .. عنتر زمانه المنتظر .. لكن أنا

تايه .. ف قشه مشعبطانى

حبة العمر اللي باقيه ف جنتى

لوكنتى دققتى النظر .. كنتى اتفاديتى سكتى

(٥)

وانتى اللي فيكى وشوش ..

بتنام على بطن الشوارع وتبكي

فبيتولد ويا دموعها .. طفل التراب اللقيط

وعيونك النعسانة .. لساها بتدور عليهم

في بؤرة التفنتيت

م السخرة .. للقضبان .. يا قلب لاتحزن

باشت عيون البنات .. جوا قميص العوانس

فنام وكون زيهم

وانسى كلام المدارس

النحلة الثالثة

(١)

وبجيب من الآخر .. ميتين
ومزعجين .. حتى ف موتنا
بتلفظنا عيون الأرض وتبعتنا
لحد آخر مدى لحد آخر باب..
قابل يساوم ع الكفن
ولإننا .. ملناش نصيب حتى ف الآخرة
بترفضنا ديدان الأرض
ياقلقناين ياأحنا
بتحرم الدنيا علينا النوم
وبتحرم الآخرة علينا الـ... ..

(٢)

الليل بيطلع لمين؟
الليل أنين .. الليل شجى
الليل كساد العربجى

والكارو .. نقصاه الفانوس

الليل نفوس...

متساقه للمرمطه

الليل تابوت

والناس كفن

والضلمة مَيّت ...

طالب الدفنه.

(٣)

يا مشنقات الدنيا كلها

لمى حبالك واخرجى

جسمه ماهوش محتاج لها

الجسم ميت من زمان

خيطة الهدوم اللى عليه ..

كفنه اللى رافض يلبسه ..

(٤)

مسموح لقلبك..

تخلق الأزمات ف قلبى

طب ليه تخبى النوبه دي

وتقابلنى بابتسامه !!

تقلب الموازين ف وشى

وتراضينى بكلمتين

وانا اللي طول عمرى بكايا..

هو قمة فرحتى !!

(٥)

كل الوشوش .. لاعبه دورها باقتدار

تضحك بوش .. تحزن بوش .. تمام بوش

وانت اللي فيهم هس

لساك بتحلم بإئتلاف .. لساك بتحلم بالدفا

إصحى وبطل فلسفه.. منتاش معاف ..

لو ييجى دورك .. وثبان غبوتك ع الجميع

رح يشنقوك ... ويعلقوك .. مملوك لطير الأقويا..

أدى فروض التلبيه

فرتك عيونك جبهتين

وعيش يا صاحبي

النخلة الرابعة

(١)

ستائر ليل.. وميل بيميل على صدرك
ويتقرب لنبض القلب.. ويلمس كل أوتارك
فتغزل كل أعضائك.. وتر شكوى على الموال
فيخرج وفد غير رسمي من الكلمات
وانت سجين ..

بتعزف نبض الحانك
على آله ماهيش ملكك

(٢)

يادى الصبى
ياللى انت شاطئ للمحال.. شانت من الحزن الدفى
حلمك غبى.. شاطك جنونك والعبط
فدهست بالحافية القدم

أرض الكبار
وعزمت نفسك ع الوليمة
ونسيت للحظة أنك (....)

شعبطت عينك ف السما
فنزلت مكسور الجناح .. والحلم
(٣)

وبشاكل ف زمانى المضنى
وزمانى ببشاكل فىا
ومشاكل ماينى وبينه
بتزىد ف صوان التعزیه
وياعالم مين يقف الأول ..
يستنى الأيد الممدودة
والبق الجاهز .. بالكلمة المعهودة
من قفص الدنيا ..
طار العالم من كل الناس ..
(٤)

باب السما مفتوح لبوذك بوح
كل الحروف جواك .. متشعبطه ف الروح
نوحك هیوصل زید کمان النوح
اصل اللی زیک لزماً یحبجله

صدر السما والعيون والناس

مد أيدك جوا قلبك

وقول يا طير مجروح

(٥)

الحلم بيجرى ف ضلمة قلبى يموت

وكأنه لجن العقل الباطن ند

وبتدهس فيا الدنيا بدانه

وبيادة كام عسكرى دوريه

بتكمل ع الباقي في جسمى

تهد .. تهد ..

وحاولت اتلامض ع الحاصل

فقعدت ف قهوة قلبى الشيشه الشاى

وحاولت انتاسى إنى اندست

وقعدت أتذكر حلم جديد

مش عارف كام عدا عليا

وأنا قاء . سارح

مش شايف أيد الجرسون

النخلة الخامسة

(١)

مشغوفه الناس .. تعرف أخبار الواد ده
الواد ده .. مولود ف الحى .. ولكنه غريب عنيه
مش ليهم فيه ..

زى ما قال العرف السايد جوا الحاره
الواد دا .. ماحدش يعرف عنه .. غير إنه غريب
ومالوش ف القعده على القهوه على سهوه .. بيخرج وبيدخل
ومتلث على كتفه شوال مليون إشاعات
الواد دا محيط حكايات .. ولان الداء الدايب فيهم
مزع ودنه من السؤلات

طلع ورقه كتبها بخطه .. قال الواد
عذرا ليكم .. من أنقاض إنسان بتكلم ..
حاجز قطر السكة الثانيه .. ليكم فيها هس سسس
(٢)

فارس بيحلم بالنهار
وسط الغيوم والليل

والشمس حالفه ع القمر

(٣٠) خريف ما يدخل خدمه

فارس وانصدم صدمه

مين اللى شاف قلبه النضيف ما انتفض

من تمتات الحزن في حلق السما

مين اللى شاف قلبه النضيف ما انتفض

من شقشات الصبح اللى جية معتمه

من عصفورين ما زقزقوش

من دمعتين نازلين على خد الورق لخضر

جمرتين من نار

يا فارس الحلم انتهى ..

مين اللى يحلم بالنهار

والفجر بيزلزل كل شبابيك المدينة

ولا قامش حد .. يقول يا رب

(٣)

حاول وأنت بتشجب كل الحلول

ترمى اللبانه اللى ملانه بالتهم

يمكن ف ريقك
يتبلع مره .. حلهم
حاول تساييس أمورك وتقبل
وما تختلفشى عنهم
أنت بتشجب .. هما بيقرأوا
فليه بتعاديهم
وليه ضدهم
هما اللي شايفين الطريق الصحيح
وأنت اللي دايم
تتوه عنهم

(٤)

أحيانا .. بخرج عن صمتي
وبزق وبعلو الصوت
وبحاول أتخيل نفسى
شمشون أيام الجبروت
أطلع من حزنى المدارى
وأغزل توب للجسد العارى

واضرب كفى ف وش الظلم
قطر يعدى عليه ويموت
أحيانا .. بخرج عن صمتى
وازعق دمي ماهوش برخيص
ولا عمريش انبعت رخيص
دنا مخلوق من حقى أعيش
وأتكلم وتغور يا سكوت

(٥)

وآدى العيار اللى طاش
طرطش ف دمك وهمك
بعترنى وجعك لمستك
فنفضتى أيدي .. ماهمك
فحلفت ما أكتب قصايد
تجعل حياتك سواد
أو مرة تانى أزعلك
بس .. اسمحى لى أسألك .. لما طيبك يجرحك
هل عارفة قصده إيه ؟



(جايلك يا فجر)

جايلك .. يا فجر
أستلف منك شروقك
رافض دموعى ومحتمبك
وأنا اللي م الليل اكتفيت
وعيونى محتاجة لطريقك
جايلك يافجر
وشمعتين الضى فيا مقتولين
وما بين همومى وشمعتى..
حبلين أنين
ومابين دموعى وضحكى
مشوار حزين
جايلك يافجر .. الله أكبر .. منيتى
ومهمتى .. فك الجبين
شديت معايا ..
كل شجعان جتتى
وعملت من نفسى المحارب
وأنا اللي شارب .. زلزلة

كل المعدات المباحه .. معزلة منى

والحرب وصمه..

ما تنستش ف الضلوع

فارسم ف قلبى اللى بكى سكة أمل

يمكن تقيد ثانى الشموع

جايلك يافجر


طالب صفاك المعتمد

من واحة الغفران

فارسم ملامحى .. فى صورة الإنسان

واسقبنى .. ليلة القدر

جايلك يافجر



فلسطينيات

(١) رؤية خاصة عن القضية الفلسطينية

الجسم شارب م الطريق

لين البارود ..

والدم حاضن الارصفة

مين اللي غير في ملامحك يا وطن بالذات ؟

مين اللي راسق ف العيون الاختسا

لاتخنشنى

قالوا زمان اللي اختسا (.....)

(٢)

يا محصل التواريخ

رجع دفاترك كام سنة للخلف

وهات لى م الأرشيف ملف

ماقبل الميلاد


عرف لمين الهوية

والقضية .. محسومة لمين !

(٣)

الحال .. بيبقى زى ما هو عليه
طب ما حنا كنا متبتين ف الأرض
مين اللى باع الوطن ؟ ... إحنا !
مين اللى دفع التمن ! إحنا ؟!
مين اللى شايلى طفله طوبه
ومين اندفن ؟ إحنا !
مين اللى مضحك عليه
حتى ف اتفاقات .. إحنا .. إحنا .. إحنا ؟!!
مديت إيديا لحد باب السما
خبطت باب الله
ودعيت عليه بالفنا اللى جارحنا
(أخيراً)
(إلى النظام الأمريكى)
وجمعت .. دمع البرتقان ع التيوستفندى ع اللمون
وسقتنى بيه ...
أنا يالفندى مانيش غاويه
ومانيش بدلداً و اندلى .. ف كاس نفاق

ملتها لعبة الاتفاق ..
تلج العصور .. ملان برود
مرفوض تعود ..
أو نعتبرنا حاشيتك
ولاني رافض حضرتك ..
معلنها لك .. وبعقل راسي
برنيطتك الذهبي الشقيه
آسف .. ماجتش ف قلب راسي
.....



قائد قديره

انقطاع

الصورة ضحكت عليكى

شفتى ف وثى بسمه خاليه م الشرود
ومن الحدود الضيقه . عرفت تعدى وتترسم

تخدع عنيكى

الصورة ضحكت عليكى

وأنا المهيا .. للوجع والإنهيار

مقدرتش أخفي محنتى

فلتسمحي لى بنظرة ثانيه .. يمكن تعيدى الاختيار

لحظة لقاكى .. دمة عنيا الضيقين

رفضت تقابلك بالبكا

لحظة لقاكى .. صوتى المحشرج ف الحنك

'معرفش ليه أصبح جميل

ونسيت للحظة الدريكه . . ونسيت أنينى

غمضت عينى .. كنتى العروسه المدهشه

وحلمت إنى بحضنك

وحلمت إنى بنفعل لما تمدى ايديكى ليا

وتلمسينى والمسك
وحلمت إني بونسك
واستتقي نكته
تضحكيني .وأضحكك
معرفش ليه صدقت نفسي ..
رغم انقطاعي عن عيون الناس رأيك
حاجة ثانيه ملفته
أنتى الوحيد ضحكت ليكى
وعليكى إنك تعرفى
الصوره ضحكت عليكى..
والبسمه كانت
ومضه خافته ف كون وسيع
إنتى اللى ترياق صيدلى
وأنا اللى موصوف للجميع
راكب حصان أعرج مالوش
أدنى صفه
حفظتتى كل الأرضفه

وما بين رصيفك والأمان
مشهد ما ينكر رشي تاني
مجاني فيكي الابتسامه
وفيا تسوى ألف شئ
والصوره ضحكت عليكى ..
ما تصاحبينش

لغة العيون

وفركت عيني ونظرت لك نظره
فلقيتك أنتى المشتهاكى العين
ولانى مش قادر اقولك كلمه حبيبتي
فلتسمحيلي أبصلك
واتملى م نور العيون الممليه بالخبجل
لو تسمحيلي أرتجل
اشارات بتوحى بالثنا والاحترام
أنا أصلى شاعر مش رومانسى
وماليش سوابق ف الغرام

94

واتارى الفتل كدابه .. غزلتلى فوق نول الوطن إنسان

ضعيف

وباعتلى للقضبان .. كجته بدون لسان

إن جيتى مره يا حبيبتي - وشفتى صمتى ما تسألش

رميت بدور تطرح لى توت .. طرحت لى موت

ولقيت عيون شمس الخريف .. هيه اللى باقية عشان أعيش

مدى الأيدين

مدى الأيدين المليانين بالدفا

قومى نولينا الحلم الأبيض

من بين ضلام العيون

خطى لنا خطوه لاحساساتنا المرفه

قبل الضياع وسط الحياه والهموم

مدى الايدين المليانين بالحنان

قومى احضنينا ما تسبش الليل ف ريحنا

وسمعينا .. إتلى لنا ترنيمه أدان

لحظة بزوغ الفجر . نسينا امبارحنا

ياكل ظلم الأمل .. يا زيف كلام الناس
لازم نشوف الشمس .. لو ألف غيم حراس
وأكد هايجى الأمل .. من بين عيون محتاس
مدى الأيدين .. مدى ..

كنا مابين البشر ..

راكبين حصان رهوان

والسرج منا انكسر

لما الأمان اتهان

والفارس اللي انتصر

في حروب كثير عده

بين الهموم اتأسر

وماعدش .. زى زمان

مدى الأيدين .. مدى

علامة استفهام

وسط شارع م الشوارع

وسط حاره من الحارات

شفت جوا عيون صبيه .. طيور مهاجره
والصمت طاغى عنى لسان البنات
ف طلقت صوتى ف السكات .. الصمت ليه ؟
أنا من زمان باندده عليكى
وإنتى مش قابله الكلام
لابسه فى توب الحزن .. ليه
الجسم ملقف للالام ؟
يافاردده شعرك فوق سلاسل محنتك
من إمتى وانتى مسلمه .. للغربه رغم الانقطاع ؟
ياترى مين اللى باع ؟!
أنا ولا انت .. اللى عملنا المستحيل
ما أفضعه .. القلب الكبير
لما بيغربنى فيه
والقى نفسى غصب عنى .. ورغم إنى
بعشقك برضه بتوه
بس نفسى تعرفى
العيون الشارده منك مشتهاه

واسمعينى وصدقينى ..

للطيور .. الهجره برضه

مش دايماً نجاه ..

توهه

(إهداء : للبنيت اللى بتتلون بالوان الحياه فافتكرتها الدنيا الجميله ولكنها طلعت)

- مفتح -

دبرينى لون عنيكى لسه زى ماهو والا ناويه تعذبينى

دبرينى ...

(قصيدة)

صوتك المحتاج يفك رموزه (مندل)

لهو صوت أبوكى .. ولاهو صوت أمك

طب .. مين عميد همك

فارس وجايلك أنا

ليه مش أنا وياكى

فرقت دقيقه .. بين الوصول لعنيكى

ومحطة الحزن البعيده .. اللى لبساكى

طعمين لكلمة آه ..

بفهمها جواكى .. وأدى الوطن .. عراكى

دميه ف قميص مقطوع

مانتیش لیلاتى .. بتشرى قهوه

ومانیش لیلاتى بفتكر ذلك

أقولك .. تیجى نقطع خیط قلوبنا

الى اتوصل مبروم

قام اتخفق .. حبل الحنان وياحبل الشد

الحب سور واتهد

وآدى الوطن .. عامل علیه كردون

(ممنوع بناء الحب في هذا الزمن)

هذا الزمن مرهون

وظلعت سلم بلدنا .. انده على عنيكى

لقیت عنیکى بحور

والمرسى ف أیدیكى

والصارى لو ینکسر ..

تبعي انتى أسبابه.

* * * *

الفهرس

٧	١. شجر الخريف
١١	٢. قهر
١٥	٣. تساؤلات
٢٠	٤. العجوز والبحر
٢٥	٥. سحابة صيف
٢٩	٦. آخر شوية جراه
٣٣	٧. آخر الكلام
٣٩	٨. سهم العيون
٤٣	٩. مناجاة صياد عجوز
٤٩	١٠. ماتعسر من كلامي
٥٥	١١. اعتراض جماعي
٥٩	١٢. نخل الهموم
٧٩	١٣. جايالك يا فجر
٨٣	١٤. فلسطينيات
٨٩	١٥. قصائد قصيرة

رقم الإيداع
٢٠٠٢/٧٢٤٥